



KOMUNIKADU IMPRENSA

Centro Chega! I.P Ho Muzeu Memórial Munisipal Manufahi 1912 Asina ASH Ba Estabelesimentu Muzeu.

Dili – (06 Novembru 2025), Centro Nacional Chega! Instituto Publiku (CNC I.P) asina Akordu Servisu Hamutuk (ASH) ho Muzeu Memórial Munisipal Manufahi (MMMM 1912) ba estabelesimentu Muzeu Memórial iha Munisipiu Manufahi, ne'ebé hala'o iha Salaun GAO-CC, Antigo Comarca Balide.

Objetivu hosi asina ASH ne'e mak atu fó apoiu orsamentu hamutuk \$ 14,192.00 (Dólar Amerikanu Rihun Sanulu resin Aat atus Ida Sia nulu resin Rua) ba estabelesimentu Muzeu Memórial Munisipal Manufahi 1912. Orsamentu ne'e sei apoiu ba estabelesimentu Muzeu no mos programa ka atividade Muzeu nian.

Importansia hosi estabelesimentu Muzeu Memórial ne'e mak atu prezerva dokumentu istoriku violasaun direitus umanus periodu 1974-1999, facilita informasaun kona-ba istória pasadu ba públiku liu-liu istória comunidade Munisipiu Manufahi nian, sai mos sentru aprendizajen kona-ba paz, justisa no direitus umanus, sai nu'udar referencia istorika ba peskizadór sira no mos sai espasu reflesaun kona-ba memória pasadu.

Muzeu Memórial Munisipal hanesan mekanizmu ida atu halibur, habelar, no hakbesik narrativu sira kona-ba istória pasadu Timor-Leste nian, liu-liu ida-ne'ebé relasiona ho partisipasaun comunidade munisipiu Manufahi nian durante periodu luta ba ukun rasik-an tinan 1974-1999.

Muzeu Memórial Munisipal ne'e mos hanesan plataforma ida hosi Programa Memórializasaun Integradu Centro Chega! I.P nian ne'ebé mai ho objetivu atu sosiedade la repere fila fali violensia pasadu liu hosi mekanizmu sira mak hanesan, harii plataforma ba ema no comunidade hosi parte étniku-kulturál no política sira atu fahe sira-nia istória no envolve comunidade iha diálogo no Memórializasaun, prezerva memória istoriku liu hosi arkiva no disemina narrativa sira ba públiku, facilita prosesu komprensaun komún kona-ba política no programa sira oinsä mak utiliza memória istoriku sira.

Muzeu Memórial Munisipal atu responde ba misaun Centro Chega! I.P nian mak promove implementasaun rekomendasaun sira hosi relatóriu final *Comissão de Acolhimento, Verdade e Reconciliação (CAVR)* no no *Per Memórial Ad Spem (PMAS)* relasiona ho institucionalizasaun memória no promosaun direitus umanus.

Centro Chega! I.P estabelese Muzeu Memórial Munisipal hanesan mekanizmu ida atu halibur, habelar, no hakbesik narrativu sira kona-ba istória pasadu Timor-Leste nian, liu-liu ida-ne'ebé relasiona ho partisipasaun comunidade munisipiu idaidak nian durante periodu luta

ba ukun rasik-an tinan 1974-1999. Muzeu Memórial Munisipal ne'e mos hanesan plataforma ida hosi Programa Memórializasaun Integradu Centro Chega!! P nian ne'ebé mai ho objetivu atu sociedade la repere fila fali violensia pasadu liu hosi mekanizmu sira mak hanesan, harii plataforma ba ema no comunidade hosi parte étniku-kulturál no polítika sira atu fahe sira-nia istória no envolve comunidade iha diálogu no Memórializasaun, prezerva memória istoriku liu hosi arkiva no disemina narrativa sira ba públiku, fasilira prosesu komprensaun komún kona-ba polítika no programa sira oinsá mak utiliza memória istoriku sira. Dijitaliza narativas hirak ne'ebé mak nesesariamente atu dijitalizadu hodi aliña ho objetivu sira.

Entertantu, ASH ne'e sei hahu efetivu hosi data ne'ebé asina no sei termina iha loron 31 Dezembru 2025 bainhira beneficiariu sira submete ona relatóriu. Tuir dadus ne'ebé iha, Centro Chega!!P estabesele ona Muzeu Memórial Munisipal 5 mak hanesan, Muzeu Memórial Munisipal Viqueque, Covalima, Aileu, Bobonaro no Manatuto. No aumenta tan Muzeu Memórial Munisipiu Manufahi hamutuk 6.

- Remata -

Ba informasaun liu tan kontaktu:

Raimundo Sarmento Fraga
Ofisiál Média no Komunikasaun
Email: rsfraga@centrochega.gov.tl
Nú. kontaktu: 7874 0345

Boilerplate

Centro Nacional Chega!!P, *Da Memória à Esperança* (Centro Chega! I.P) hamri'ik nu'udar institutu públiku ida ne'ebé estabesele ho dekretu Lei nº. 48/2016. Centro Chega!!P nia vizaun mak: "Sosiedade ida ne'ebé inkluzivu, la repete istória pasadu nian, moris iha dame, no respeitu ba direitus umanu". Nia misaun mak: "Harii sentru Pós-konflitu ne'ebé prezerva memória pasadu nian hodi promove direitus no valór umanu, harii parseria nasional no internasionál hodi reforsa rede servisu sira ba implementasaun rekomendasaun sira hosi Relatóriu Final *Comissão de Acolhimento, Verdade e Reconciliação* (CAVR)-Chega! no *Comissão da Verdade e Amizade* (CVA) - *Per Memórias Ad Spem*, sira ne'ebé relevante".